

H. Powellii Schltr., nov. spec.

Epiphytica, erecta, pusilla, 13—15 cm alta; rhizomate valde abbreviato; radicibus filiformibus, flexuosis, glabris; pseudobulbis graciliter stipitatis, fusiformibus, apice bifoliatis, stipite 3—4 cm longo incluso 6—8 cm longis, medio fere 3—4 mm diametientibus; foliis erecto-patentibus vel suberectis, anguste linearibus, apice sub lente inaequaliter et obtuse bilobulatis, 6—8 cm longis, medio fere 2—3 mm latis; racemis erectis, terminalibus, perbreviter pedunculatis, laxius 4—6-floris, usque ad 1,3 cm longis; bracteis hyalinis, ovatis, acutis, ovario pedicellato duplo fere brevioribus; floribus in genere inter minores, tenuibus, fide collectoris pallide purpureis, glabris; sepalis anguste ovatis, acutis, 3-nerviis, 4 mm longis, lateralibus obliquis, nervo mediano extus carinato-incrassato; petalis oblique ellipticis, acutis, 3-nerviis, quam sepala subaequilongis; labello circuitu late oblongo, medio manifeste constricto pandurato, apice rotundato breviter apiculato, basi late rotundato, sepala paululo superante; columna brevi, crassiuscula, c. 1,25 mm longa, glabra; ovario pedicellato subfusiformi, glabro, pedicello incluso c. 5 mm longo.

Panama: Chiriqui, c. 5000 Fuß ü. M. — no. 225.

Am besten dürfte die neue Spezies neben *H. stenopetala* Rehb. f. untergebracht werden. Von dieser ist sie unterschieden durch die kleineren, blaß purpurnen Blüten, die breiteren Petalen und die Form der Lippe.

Diese sich um *H. crurigera* Ldl. gruppierenden Arten fasse ich zu einer eigenen Sektion, *Hymenanthe*, zusammen.